

Mensahe 2

**Ang Ana nga Pagpangalagad**

Basahong Kasulatan: 1 Sam. 1:1—2:11, 18-21, 26

- I. Makaamgo gyod unta ta kon unsa ang pahuli sa Ginoo; ang pahuli sa Ginoo pagtukod man sa Sion, nga naghulagway sa mga mananaog nga realidad sa Lawas ni Cristo nga mohingpit sa balaang syudad, sa Bag-ong Jerusalem:**
- A. Ang Sion mao ang syudad ni Haring David (2 Sam. 5:7), ang sentro sa syudad sa Jerusalem, nga gitukoran sa templo nga puluy-anan sa Dios dinhi sa yuta (Sal. 48:2; 9:11; 74:2; 76:2b; 135:21; Isa. 8:18).
  - B. Sa Daang Tugon naa ang syudad sa Jerusalem nga ang Sion maoy sentro; sa tipolohiya ang iglesiahonong kinabuhi maoy Jerusalem karon; diha sa iglesiahonong kinabuhi duna gyod untay grupo sa mga mananaog, nga mao ang nahingpit ug nahamtong na nga mga Dios-tawo, ug kining mga mananaog mao ang Sion karon—itandi sa Bug. 14:1-5.
  - C. Isip kinamaayohang bahin ug katahom sa balaang syudad sa Jerusalem (Sal. 48:2; 50:2), naghulagway ang Sion sa mga mananaog nga maoy kinatumyan, ang sentro, ang pagpausbaw, pagpalig-on, pagpadagaya, katahom, ug realidad sa iglesia (48:2, 11-12; 20:2; 53:6a; 87:2).
  - D. Naggikan sa Sion ang mga kinaiya, kinabuhi, panalangin, ug pagkaestablisar sa Jerusalem—1 Hari 8:1; Sal. 51:18; 102:21; 128:5; 135:21; Isa. 41:27; Joel 3:17.
  - E. Ang mga mananaog nga mao ang Sion maoy realidad sa Lawas ni Cristo ug maghingpit sa pagtukod sa Lawas diha sa mga iglesia lokal aron ipadangat ang nahingpit nga balaang syudad, ang Bag-ong Jerusalem, ang kinahingpitang Dapit Labing Balaan nga puluy-anan sa Dios sa eternidad (Bug. 21:16; itandi sa Exo. 26:2-8; 1 Hari 6:20); sa bag-ong langit ug bag-ong yuta mahimong Sion ang tibuok Bag-ong Jerusalem, uban sa tanang magtutuo nga mga mananaog (Bug. 21:1-3, 7, 16, 22).
  - F. Sa basahon sa Bugna ang gusto sa Ginoo ug ang tukoron Niya mao ang Sion, ang mga mananaog; kini ang tiunayng realidad sa espirituhanong pinadayag sa balaang Pulong sa Dios; magmainiton gyod ta sa pag-ampo bisan unsa pay bugti ug mobayad sa bili sama sa gibuhat ni apostol Pablo—Efe. 6:17-18; Col. 4:2; Fil. 3:8-14.
  - G. Ang tubag nato sa pagtawag sa Ginoo sa mga mananaog ning panahona kana mang malagsik ta; ang malagsik kana mang buhi ug aktibong mausa sa buhi ug nagbuhat nga Dios nato; ang lihok sa Dios dinhi sa yuta aron matuman ang walay kataposang pamatigayon Niya pinaagi gyod sa mga mananaog.
  - H. Ning giilog nga yuta naa ang bukid ni Jehova, ang Bukid sa Sion, nga bug-os gyong madinawaton sa Ginoo ug hingpit gyong napanag-iya Niya; ang mga mananaog, nga gihulagwayan sa Sion, mao ang takasan (beachhead) ug pinaagi nila mobalik ang Ginoo nga Hari sa himaya aron manag-iya sa tibuok yuta nga gingharian Niya—Sal. 24:1-3, 7-10; Dan. 2:34-35; 7:13-14; Joel 3:11; Bug. 11:15; 19:13-14.
  - I. Walay laing paagi nga makab-ot ang habog nga punto sa walay kataposang pamatigayon sa Dios, ang realidad sa Lawas ni Cristo, kondili ang pag-ampo ra; ang pagkahimo natong mga mananaog nga realidad sa Lawas ni Cristo nga mahimong pangasaw-onon ni Cristo maoy motapos ning panahona, ang panahon sa iglesia, ug magpabalik ni Cristo nga Hari sa himaya aron moangkon,

## Mensahe 2 (sumpay)

manag-iyá, ug magbuot ning yutaa uban sa Iyang mga mananaog sa panahon sa gingharian—vv. 7-9; 20:4-6; Sal. 24:7-10.

## II. Sa tipolohiya gipakita sa unang basahon ni Samuel kanato ang pagpadangat ni Cristo nga Hari (nga gihulagwayan ni David) ug sa Iyang gingharian:

- A. Sa pagdumala ni Eli nagkadaan ug nagkaluya ang daang pagkasacerdote sa linya ni Aaron (2:12-29), ug nagtinguha ang Dios nga makasugod og bag-o aron matuman ang walay kataposang pamatigayon Niya:
1. Tinagik ang sulod sa Mga Maghuhukom sa pagsalig sa mga anak sa Israel sa Dios, pagbiya nila sa Dios, pagkapildi nila sa ilang mga kaaway, ug paghinulsol nila ngadto sa Dios diha sa ilang kasubo; mobalik ngani sila sa Ginoo, magpabangon Siyag maghuhukom nga moluwas nila gikan sa kamot sa mga nagdaugdaog nila, apan inigkamatay sa maghuhukom, mobalik sila sa daotan nilang ginawian ug madaot na sab (1:1-2; 2:11—3:11); nahimo kining tuyok nga kapito nasublisubli diha sa Mga Maghuhukom.
  2. Sa daghang tuig gibalikbalik ra gyod sa iglesia ang kasaysayan sa Israel panahon sa mga maghuhukom, apan gusto ang Dios karon og mga Samuel, madaogong mga Nasareo (Num. 6:1-9 ug mga nota), nga mopadangat ni Cristo, sa tinuod nga David, nga Haring naghari ug sa Iyang gingharian sa usa ka libo ka tuig, nga niini “magsasanagon ang [mga mananaog] sama sa Adlaw sa gingharian sa ilang Amahan” (Mat. 13:43).
  3. Molaom gyod ta sa Ginoo karon alang sa bag-ong butang, sa bag-ong pagkadasig pag-usab nga mousab ning panahona gikan sa panahon sa iglesia diha sa satasnong kagubot ngadto sa panahon sa Hari ug sa Iyang gingharian sa usa ka libo ka tuig.
- B. Aron mahimugso si Samuel nagpasiugda ang Dios og mga butang luyo sa mga hitabo; sa usa ka bahin, gitakpan Niya ang tagoangkan ni Ana; sa laing bahin, giandam Niya si Penina nga mohagit “pag-ayo [ni Ana]...aron maglagot siya, kay gitakpan man ni Jehova ang iyang tagoangkan” (1 Sam. 1:5-6); matag tuig, inigtungas ni Ana ngadto sa balay ni Jehova, hagiton siya ni Penina hangtod nga mohilak siya ug dili mokaon (v. 7).
- C. Nagpugos kini ni Ana nga moampo nga hatagan siya sa Ginoo og batang lalaki; ang pag-ampo ni Ana, nga niini nanaad siya sa Dios, dili pinasiugdahan ni Ana kondili sa Dios; nahimuot ang Dios sa giampo ug sa gisaad ni Ana ug giablihan Niya ang iyang tagoangkan (vv. 10-11, 20); nanamkon si Ana, nanganak, ug ginganlan siyag Samuel (nagpasabot og “gidungog sa Dios,” o “pinangayo sa Dios”).
- D. Makadasig ang Dios ni Ana nga tawong nausa Niya diha sa linya sa kinabuhi; linya nga nagpahimugso ni Cristo nga kapahimuslan sa katawhan sa Dios ang linya sa kinabuhi aron mabatonan sa Dios dinhi sa yuta ang Iyang gingharian, nga mao ang iglesia nga Lawas ni Cristo (Mat. 16:18-19; Rom. 14:17-18; Efe. 1:22-23), ang organismo mismo sa Tulo-usang Dios; basta makabaton ang Dios og ingon nianang tawhana nga nausa Niya sa linya sa kinabuhi, makabuhath Siya dinhi sa yuta (1 Sam. 1:1—2:11, 18-21, 26).
- E. Sa pagkatinuod, dili tawo ang gigikanan ni Samuel; ang Dios maoy tinuod nga gigikanan, nga maoy nagbuot ug tagong nagdasig sa Iyang katawhan; pagsultig-balik, pagpadayag, sa gitinguha sa kasingkasing sa Dios ang pag-ampo ni Ana; pagbulig kadto sa tawo sa diosnong lihok para matuman ang walay kataposang pamatigayon sa Dios:
1. Nagpakita ang pag-ampo ni Ana nga ang lihok sa Dios sa pagtubag Niya sa

## UNA UG IKADUHANG SAMUEL

### Mensahe 2 (sumpay)

iyang pag-ampo pagpalugwa mag Nasareo, usa ka mananaog, nga bug-os gyong motuman sa tinguha sa Dios—1:10-20.

2. Bug-os gyong gikonsagrar sa Dios ang Nasareo, tawong naghimo sa Dios nga iyang Hari, Ginoo, Ulo, ug Bana, ug walay tinguha nga mopahimulos sa kalibotanong mga kalipayan; bisan sa wala pa mahimugso si Samuel, gikonsagrar na siya sa iyang inahan nga maingon niana nga tawo.

### III. Nagrepresentar ang unang basahon ni Samuel og pagpangalagad nga magpadangat sa Hari ug sa Iyang gingharian; manganlan nato kinig “ang Ana nga pagpangalagad”:

- A. Nagrepresentar si Penina ug si Ana sa duha ka sukaranong managlahing prinsipyo ug sa duha ka sukaranong managlahing pagpangalagad (1:2, 4, 7); ang pagpangalagad ni Ana pagpadangat lang sa Hari, dili manganak og daghan; ang pagpangalagad ni Penina mao ang pagpanganak og daghan, sa ato pa, pagpangalagad nga daghag resulta; nagrepresentar sa kadaghanan sa katawhan sa Dios sila si Penina ug ang iyang mga anak, apan walay usa nila nga may kalabotan sa pag-usab sa panahon aron makabalik si Cristo nga Hari sa himaya (Sal. 24:1-3, 7-10).
- B. Dili sayon ang paagi ni Ana, ug labi pa gyod kining nahimong lisod tungod sa mga pagtandi ug mga pagtamay ni Penina; andamon gyod niadtong buot mahimong mga Ana ang ilang kaugalingon alang sa paglutos, pagyubit, paghilak, ug pagpuasa.
- C. Dili lang kini kalabot kon unsa kadaghan ang maluwas nato kondili sa pagpakabaton sa Dios sa Iyang grupo sa mga mananaog; gustong makabaton ang Dios og mga tawong makaampo ug makapadangat sa gingharian nga si Cristo maoy Hari ug ang Iyang mga mananaog maoy mga masigka-hari.
- D. Ang pag-ampo ni Ana maoy palagianan sa pagpahimugso ni Samuel; moresulta gyod unta ang atong mga pag-ampo sa pagpalugwag mga mananaog; moampo gyod ta nga nausa sa nikayab nga Cristo sa langitnong pagpangalagad Niya sa hugna sa pagpakusog aron mapalugwa ang mga mananaog—Bug. 1:4; 3:1; 4:5; 5:6; 2:7, 11, 17, 26-29; 3:5-6, 12-13, 21-22.
- E. Niabot si Ana sa punto nga dili na gyod siya makapadayon pa kon dili siya manganak og lalaki; niabot siya sa punto nga kinahanglan makabaton na gyod siyag anak nga lalaki; ang anak nga lalaki sa 1 Samuel 1 naghulagway sa madaogon, hiniusa nga batang-lalaki sa Bugna 12, ang nagpaliso sa panahon aron mapadangat ang Hari ug ang Iyang gingharian:
  1. Ang labing importante nga iya-sa-dispensasyong lihok sa Dios makita sa batang-lalaki sa Bugna 12 nga hinimo ni Cristo nga nangunang Mananaog ug nato nga nagsunod nga mga mananaog; kay gusto mang taposon sa Dios kining panahona ug ipadangat ang panahon sa Hari ug sa Iyang gingharian, nagkinahanglan Siya sa madaogon, hiniusang batang-lalaki isip iya-sa-dispensasyong instrumento Niya.
  2. Motapos sa panahon sa iglesia ug mopadangat sa panahon sa gingharian ang pagkalalin sa batang-lalaki; human ning paglalin dunay “kusog nga tingog sa langit nga niingon, Karon niabot na ang kaluwasan ug ang gahom ug ang gingharian sa atong Dios ug ang pagbulot-an sa Iyang Cristo”—v. 10.

### IV. Nagpakita ang kasinatian ni Ana nga ibubo gyod nato ang atong kalag atubangan sa Ginoo diha sa atong kapait (1 Sam. 1:6, 10, 15-16); sa Exodo 15